

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 2112914675 որոշումն անփոփոխ թողնելու, իսկ թիվ 2112936028 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<<30>> 08 2021թ. 7-13- 13180

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Էդիտա Քոչինյանի ՄԴ/68759-21 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Էդիտա Քոչինյանը (ծանուցման հասցե՝ քաղաք Երևան, Էրեբունի վարչական շրջան, Աթոյան անցուղի, 2-րդ շենք, 1-ին բնակարան (Էլ.հասցե՝ edita.kochinyan@gmail.com)) << վարչապետի աշխատակազմին հասցեագրած դիմումով իր անհամաձայնությունն է հայտնել Ճանապարհային ոստիկանության վարչական տույժ նշանակելու մասին թիվ 2112914675, 2112936028 որոշումներին՝ նշելով, որ ստացել է երկու որոշում նույն իրավախախտման համար և խնդրում է պարզաբանել և մեկը չեղարկել:

<<Վարչարարության հիմունքների և վարչական վարույթի մասին>> օրենքի 37-րդ հոդվածի 1-ին մասի համաձայն՝ վարչական մարմինը պարտավոր է ապահովել փաստական հանգամանքների բազմակողմանի, լրիվ և օբյեկտիվ քննարկումը՝ բացահայտելով գործի բոլոր, այդ թվում՝ վարույթի մասնակիցների օգտին առկա հանգամանքները:

Դիմումի քննարկման արդյունքում պարզվել է, որ դիմումատուի խնդրանքը ենթակա է բավարարման՝ հետևյալ պատճառաբանությամբ.

<<Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը, որը պարունակում է նաև տեխնիկական միջոցով արձանագրված տվյալները:

Ճանապարհային ոստիկանության թիվ 2112914675, 2112936028 որոշումների հիմքերում դրված տեսանյութերը փաստում են, որ դիմումատուին պատկանող տրանսպորտային միջոցը մուտք է գործել 3.1 <<Մուտքն արգելվում է>> ճանապարհային նշանով կահավորված փողոց: Նշված իրավախախտումն արձանագրվել է 05.06.2021թ. ժամը 15:28-ին Երևան քաղաքի Դեղատան փողոցի հատվածում:

Այսպիսով, վարչական վարույթի ընթացքում հիմնավորվել է, որ նույն իրավախախտման համար կայացվել է երկու որոշում, հետևաբար թիվ 2112936028 որոշումը տեխնիկական վրիպակի արդյունք է և ենթակա է բեկանման:

Ելնելով վերոգրյալից, ղեկավարվելով Վարչական իրավախախտումների վերաբերյալ ՀՀ օրենսգրքի 247-րդ հոդվածի 1-ին մասի 8-րդ կետով, և 293-րդ հոդվածի 1-ին մասի 1-ին և 3-րդ կետերով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 2112936028 որոշումը բեկանել և վարչական իրավախախտման վերաբերյալ գործի վարույթը կարճել:
2. Ճանապարհային ոստիկանության վարչական տույժ նշանակելու մասին թիվ 2112914675 որոշումը թողնել անփոփոխ, իսկ վարչական բողոքը՝ դրան վերաբերող մասով, առանց բավարարման:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Էդիտա Քոչինյանին:



Ե. Կարապետյան